

STYRESAK

GÅR TIL: Styremedlemmer

FØRETAK: Helse Vest RHF

DATO: 29.11.2017

SAKSHANDSAMAR: Camilla Loddervik

SAKA GJELD: **Oppsummering omdømme 2017**

ARKIVSAK: 2017/1175

STYRESAK: **130/17**

STYREMØTE: **14.12. 2017**

FORSLAG TIL VEDTAK

1. Styret tek resultata frå omdømmeundersøkinga 2017 til orientering.
2. Styret slutter seg til at omdømmeundersøkinga berre skal gjennomførast annan kvart år.

Oppsummering

Resultata frå omdømmemålinga 2017 viser at Helse Vest har klart å oppretthalde dei gode resultata frå 2016.

Innbyggjarane på Vestlandet gir Helse Vest spesielt gode tilbakemeldingar når det gjeld resultatmåla knytt til tilfredsheit med det samla sjukehustilbodet der dei bur, tiltru til at dei får den behandlinga dei treng og inntrykket av det nærmaste sjukehuset. Som resultata i frå dei førre målingane (2014-2016) viste, seier også denne målinga at innbyggjarane sitt inntrykk av det nærmaste sjukehuset er betre enn vurderinga av kva omdømme eller rykte dei trur sjukehuset har.

Innbyggjarane opplevde ikkje i særskilt grad at sjukehusa på Vestlandet lever opp til visjonen om å fremme helse og livskvalitet. Ei årsak kan vere at det er ein differanse i assosiasjonen ein har til sjukehus og visjonen. Innbyggjarane på Vestlandet har eit relativt dårlig inntrykk av ventetider, sjølv om inntrykket er betra samanlikna med 2014 - 2016. Denne oppfatninga er likevel ikkje ein drivar som verkar inn på omdømme direkte.

Resultata kan brytast ned på føretaksnivå og må gjennomgåande reknast som gode. Det har vore ein tendens til at dei største føretaka gjer det best, mens dei minste har scora jamt over noko därlegare. Dette gjeld i stor grad også i 2017 målinga, men vi ser at Helse Førde scorar litt därlegare samanlikna med det dei gode resultata frå 2016.

Fakta

Bakgrunn

I styresak 060/12 B behandla i styremøte i Helse Vest RHF 6. juni 2012, blei det vedteke å gjennomføre ei omdømmemåling i året:

«Styret i Helse Vest RHF får presentert ei meir omfattande omdømmemåling årleg. Målinga skal kunne delast per føretak (HF og RHF) og inkludere gruppene pasientar, medarbeidarar og befolkninga på Vestlandet meir generelt. Målinga skal vidare leggje vekt på ulike område av verksemda, som grunnlag for solide analysar og god styringsinformasjon.»

Denne målinga er gjennomført blant befolkninga på Vestlandet i oktober/ november 2017.

Metode

Over 2 000 vestlendingar over 18 år er stilte nær 40 spørsmål på telefon om deira inntrykk av sjukehusa på Vestlandet når det gjeld blant anna pasientbehandling, økonomi, leiing, organisering, truverd og etikk. Svara fordeler seg på ein skala frå 1 til 5, der 5 er best.

Barometeret legg til grunn at eit snitt på under 3,0 er eit därleg resultat, mens eit snitt mellom 3 og 3,75 er ein nøytral kategori, eit snitt over 3,75 er bra og eit snitt over 4,5 er særskilt bra. Analysebyrået Epinion har gjennomført målinga på vegner av Helse Vest RHF.


Kommentarar

Resultat


På spørsmålet «Alt i alt fornøgd er du med det samla sjukehustilbodet der du bur?» er resultatet på regionnivå samla 4,1. Det er det same som i 2015 og 2016. Ser vi på helseføretaka, ligg Helse Stavanger stabilt samanlikna med førre måling i 2016. Helse Bergen går fram frå 4,2 til 4,3 mens Helse Fonna går tilbake eit prosentpoeng til 3,9. Helse Førde har ein signifikant tilbakegang på heile to prosentpoeng og scorar lågast av føretaka med 3,6 i 2017 (-fig. 1). Resultata er like for dei som ikkje har erfaring med sjukehusa gjennom året, som blant dei som har erfaring.

Også på spørsmålet «Kor stor tiltru har du til at du vil få den behandlinga du treng viss du skulle bli sjuk eller skada og få behov for sjukehusbehandling?» held resultatet seg stabilt på same nivå som i 2016 på regionnivå (-fig 2.) Her ser vi at både Helse Bergen, Helse Stavanger og Helse Fonna ligg stabilt, mens Helse Førde går tilbake frå 4,0 til 3,8 i 2017.

Figur 1)



Figur 2)



Innbyggjarane har jamt over litt betre inntrykk av sjukehuset sjølv (4,0), enn når dei vurderer det generelle omdømmet til sjukehuset (3,8). Dette er ein gjennomgåande tendens vi har sett dei siste åra.

Når det gjeld innbyggjarane sitt inntrykk av om sjukehusa lever opp til visjonen om å fremme helse og livskvalitet, ser vi ingen signifikante endringer frå førre måling i resultatet for denne kategorien. Resultatet har vore stabilt på 3,6 sidan 2014. Visjonen er sterkt knytt til behandlinga i sjukehusa og ei årsak til at resultatet her ikkje er betre kan vere at assosiasjonane til sjukehus heller ligg til årsakene og tilhøva ved sjukehusinnlegging enn sjølve behandlinga. Det ligg altså eit potensiale i å auke forståinga av visjonen, både internt og eksternt.

Spørsmål om behandling og informasjon

65 prosent av dei spurde har vore pasient eller pårørande eller begge delar dei siste 12 månadene. 35 prosent har inga erfaring siste 12 månader.

Desse gruppene vurderer pleie, behandling og imøtekomenhet frå helsepersonellet nokså likt, og godt (frå 4,1 til 4,4). Resultata er dei same på alle områder som i førre måling. Det er, som ved førre måling, litt dårlegare resultat når det gjeld formidling av informasjon til pasientar og pårørande. Dei med erfaring scora betre på dette spørsmålet (3,9) enn dei som ikkje har erfaring (3,8). Ved førre måling (2016) så svarer desse gruppene likt i denne målinga. Det er i denne samanhengen ikkje spurt om kva rett pårørande har hatt til informasjon. Figur 3 viser resultata brote ned på to grupper: dei som har erfaring (pasientar/pårørande) og andre.

Figur 3)



Når det gjeld ventetid for å komme til behandling er dette løfta ut som eit eige spørsmål, med ei forklaring på kva vi reknar som ventetider. På spørsmålet «Alt i alt kva er inntrykket ditt når det gjeld ventetid» vurderes dette til 3,1, mot 3,2 ved førre måling. Inntrykket er likt blant dei med erfaring og dei utan erfaring.

Spørsmål om leiing, organisering, etikk, truverd

Det er i dei fleste tilfella slik at dei som ikkje har vore pasient eller pårørande er noko meir positive til sjukehuset når det gjeld meir overordna spørsmål om sjukehusa. Dette er spørsmål som omhandlar dei såkalla omdømmedrivarane; faktorar som normalt sett påverkar omdømmet til ei verksemd. I dette tilfellet spørsmål om inntrykk av leiinga og organiseringa ved sjukehuset, om truverdet til sjukehuset og tillit i befolkninga, om sjukehuset er framtidssretta, om sjukehuset forvaltar offentlege midlar på ein god måte og om sjukehuset er ein interessant arbeidsplass, har høg etisk standard, framstår positivt i media og bidreg til samfunnsutviklinga. Men skilnadene er små og det er ikkje forskjell i kva som skårar høgt og lågare i dei ulike kategoriane. Best samla resultat får vurderinga av at sjukehusa yt god pasientbehandling (4,1), sjukehuset som ein interessant arbeidsplass (4,0), lever opp til høg etisk standard (4,0), har høg truverd (4,0) og bidreg til samfunnets utvikling (3,9). Det er ikkje signifikante endringar frå 2016 (Figur 4).

Det er ein tendens til at dei største føretaka gjer det best, mens dei minste skårar jamt over noko därlegare. Vi ser derimot i år at Helse Førde skårar signifikanat därlegare enn i 2016 på fleire område. Særleg når det gjeld spørsmål om leiing, organisering og truverd i media. Alle føretaka skårar best på vurderinga av god pasientbehandling.

Figur 4)

	ANTALL SVAR	Vet ikke/ ikke aktuelt	1 - Helt uenig	2	3	4	5 - Helt enig	SNITT 2017	SNITT 2016	SNITT 2015
Har god ledelse	2048	24%	3%	6%	25%	28%	13%	3.5	3.5	3.6
Er godt organisert	2048	15%	3%	7%	28%	32%	15%	3.6	3.5	3.6
Er en interessant arbeidsplass	2048	11%	4%	4%	13%	34%	35%	4.0	4.1	4.1
Yter god pasientbehandling	2048	9%	3%	14%	45%	34%	15%	4.1	4.1	4.0
Nyter stor tillit blant folk	2048	8%	4%	25%	44%	22%	22%	3.8	3.8	3.8
Har høy troverdighet	2048	2%	4%	19%	44%	28%	28%	4.0	3.9	3.9
Er fremtidsrettet	2048	10%	2%	5%	24%	34%	25%	3.8	3.8	3.8
Forvalter offentlige midler på en god måte	2048	18%	3%	5%	24%	33%	17%	3.7	3.6	3.7
Lever opp til en høy etisk standard	2048	8%	1%	8%	18%	41%	28%	4.0	4.0	3.9
Bidrar til samfunnets utvikling	2048	10%	1%	5%	21%	36%	27%	3.9	3.9	3.8
Fremstår troverdig i media	2048	7%	2%	6%	23%	41%	21%	3.8	3.8	3.8

Inntrykk av Helse Vest RHF

I spørsmål om inntrykket av det regionale føretaket er det teke høgde for om dei spurde har kjennskap til RHF-et. Kjennskapen til Helse Vest RHF har auka litt samanlikna med i fjar og kan ha samanheng med fokus i valkampen og at vi har hatt fleire regionale kampanjar og mykje omtale i media i samband med prioriteringsdebatten. 79 prosent av dei spurde kjenner til og 14 prosent har berre hørt om det regionale føretaket. Det er ei auke på fire prosentpoeng frå førre måling i 2016 og sju prosentpoeng frå 2015.

Når det gjeld inntrykket av Helse Vest RHF, held det seg stabilt på 3,7 som er det same som ved førre måling. Over 90 prosent av dei som kjenner til RHF-et svarer mellom 3 og 5 på skalaen. Det er ingen signifikante endringar av inntrykket av Helse Vest RHF i føretaka.

Konklusjon

Innbyggjarane har eit godt inntrykk av sjukehusa på Vestlandet og tillit til at dei vil få hjelp når dei treng det. Innbyggjarane har godt inntrykk av sjukehusa på Vestlandet når det gjeld pasientbehandlinga sjukehusa yter, den etiske standarden og at sjukehusa er gode arbeidsplassar. Sjukehusa får noko dårlegare score på leiing, organisering og i kva grad dei forvaltar offentlege midlar på ein god måte. Ingen av resultata for omdømmedrivarane ligg under 3,5 (dårlig) på poengskalaen. Dei største føretaka skårar gjennomgåande noko betre enn dei mindre.

Resultata for omdømmemålinga for 2017 viser at resultata er stabile samanlikna med målingane frå 2016, 2015 og 2014. Stabile resultat over fleire år viser at Helse Vest klarer å oppretthalde eit høgt nivå av tillit til helsevesenet til tross for auka press og reduserte økonomiske rammer. Men det gir òg rom for å tenkje på om spørsmåla i undersøkinga er verdt å stillast kvart år – samanlikna med f.eks. annan kvart år.